

02-03-6167

Sarajevo, 05-02-2019

Broj:

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-4387 od 25.01.2019.godine, Generalna direktorica donosi:

ODLUKU

o izboru najpovoljnijeg ponuđača
za „Nabavku Injektora za CT“ za potrebe Klinike za radiologiju

I

Prihvata se prijedlog Komisije za javnu nabavku, Izvještaj br. 03-06-4387 od 25.01.2019.godine za nabavku Injektora sistema dual shot (dvo-glavi injektor) za potrebe Klinike za radiologiju, nakon provedenog konkurentskog zahtjeva objavljenog na portalu e-Nabavke br.893-7-1-759-3-477/18 31.12.2018.godine i ugovor dodijeljuje najpovoljnijem ponuđaču:

BERG d.o.o. d.o.o. Sarajevo sa slijedećim elementima Ugovora:

- Ukupna vrijednost nabavke Injektor sistema dual shot (dvo-glavi injektor) tip Imaxion PTY LTD Medrad/Sailent DC009DW iznosi : 24.600,00 KM + PDV 4.128,00 KM = 28.728,00 KM sa PDV-om
- Uslovi plaćanja: Odgođeno plaćanje 30 dana od dana isporuke i ispostavljanja fakture.
- Rok isporuke: 30 dana nakon obostranog potpisivanja ugovora i ispostavljanja narudžbenice.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

OBRAZLOŽENJE

Na osnovu Odluke o pokretanju postupka javne nabavke br.02-03-67926 od 28.12.2018.godine sa ukupnom procijenjenom vrijednosti nabavke u iznosu od 25.000,00 KM bez PDV-a, Klinički centar Univerziteta u Sarajevu je 31.12.2018. godine objavio konkurentski zahtjev za „Nabavku i isporuku Injektora za CT“ za potrebe Klinike za radiologiju sa Obavještenjem o nabavci broj: 893-7-1-759-3-477/18 na portalu e-nabavke zajedno sa Tenderskom dokumentacijom. Uporedo sa objavljivanjem na portalu Poziv za učešće upućen je na tri adrese.

Obzirom da je dokumentacija za postupak nabavke, objavljena na portalu e-Nabavke istu je preuzelo 11 (jedanaest) ponuđača, a do krajnjeg roka određenog za prijem ponuda, 04.01.2019. godine, dostavljene su 2 (dvije) ponude ponuđača: BERG d.o.o. Sarajevo i MARK MEDICAL d.o.o. Sarajevo.

Na osnovu obavještenja o nabavci i Tenderske dokumentacije objavljene na portalu e-Nabavke Komisija imenovana Odlukom broj: 02-03-966 od 08.01.2019.godine je izvršila uvid i provjeru svakog dostavljenog dokumenta svakog od ponuđača i ustanovila slijedeće:

Uvidom u Tendersku dokumentaciju za predmetnu nabavku Komisija je konstatovala da tenderska dokumentacija Aneks 2 obrazac za cijenu i Aneks 3 Tehničke karakteristike u zaglavlju imaju različit opis i to: - u Aneksu 2 opis traženog je Injektor sistem dual shot (dvo-glavi injektor), a u - u Aneksu 3 opis

predmeta nabavke je Mobilni Injektor kontrastnih sredstava za CT koji uključuje minimum dvije injekcione glave (Dual shot injection), iz čega se zaključuje da se nabavka odnosi na dvoglavi (dual shot) injektor, a da je u opisu na Aneksu 3 greškom navedeno „minimum“.

- **Ponuda ponuđača BERG d.o.o. Sarajevo** je prihvatljiva jer ispunjava formalno-pravne i tehničke zahtjeve.

Analizom dostavljene tehničke specifikacije i dostavljene kataloške dokumentacije ponuđenog Injektora ustanovljeno je da nudi dvoglavi injektor (dual shot) tipa Imaxion PTY Ltd Medrad/Salient DC009DW sa otvorenim sistemom, što znači da se nabavka kontrastnih sredstava i jednokratnih sistema za ubrizgavanje kontrasta za ponuđeni Injektor može vršiti od različitih dobavljača.

- **Ponuda ponuđača MARK MEDICAL d.o.o. Sarajevo**, ispunjava formalno-pravne uslove jer je dostavljena tražena dokumentacija. Ponuđač Mark Medical je u skladu sa ZJN postavio pitanje u sistemu e-nabavke koje se odnosilo na pojašnjenje za dostavu kataloškog (prospektnog) materijala na koje je Ugovorni organ odgovorio, ali nije postavio pitanje koje bi se odnosilo na Predmet nabavke da li se radi o dvoglavi ili troglavi injektoru, već je u Aneksu 2- Obrazac za cijenu ponude upisao cijenu za dvoglavi injektor - tip ULRICH GmbH&CoKG Njemačka, ULRICH INJEKT CT MOTION, a u Aneksu 3 -Tehničke karakteristike naveo da se radi o injektoru sa 3 glave (troglavi injektor).

Daljom analizom ponude i zahtjeva iz tehničke specifikacije i provjere u dostavljenoj kataloškoj dokumentaciji ponuđenog Injektora ustanovljeno je da je ponuđen troglavi Injektor tipa ULRICH GmbH&CoKG Njemačka, ULRICH INJEKT CT MOTION sa zatvorenim sistemom, što znači da bi nabavka kontrastnih sredstava i jednokratnih sistema za ubrizgavanje kontrasta za ponuđeni Injektor bila ograničena jer se može nabavljati samo od jednog proizvođača, na što ukazuje i ponuđena cijena Injektora koja je 3 (tri) puta jeftinija od ponude ponuđača Berg d.o.o.

Nabavkom troglavog Injektora sa zatvorenim sistemom, Klinički centar Univerziteta u Sarajevu bi kao ugovorni organ morao vršiti nabavku kontrastnih sredstava i jednokratnih sistema za ubrizgavanje kontrasta samo od jednog ponuđača, u tom slučaju ne bi bili zadovoljeni principi transparentnosti i omogućena stvarna konkurencija za nabavku kontrastnih sredstava i jednokratnih sistema za ubrizgavanje koji se nakon pregleda svakog pacijenta mijenjaju i bacaju. KCUS već ima zaključene ugovore/okvirne sporazume za isporuku univerzalnih sistema i kontrastnih sredstava i nema u planu novu nabavku za isto, pa bi nabavka ponuđenog injektora usporila rad na istom, odnosno bilo bi kao da predmet ugovora nije ni nabavljen.

Na osnovu navedenog ponuda ponuđača MARK MEDICAL ne ispunjava tehničke karakteristike tenderske dokumentacije, odnosno nije zadovoljavajuća i ne može učestvovati u dijelu u kom se ponude vrednuju prema kriteriju najniže cijene.

Obzirom da je zadovoljena transparentnost javnosti i omogućena stvarna konkurencija potencijalnih ponuđača i da je cijena prihvatljive ponude u okviru osiguranih sredstava za nabavku, Komisija je Izveštajem br. 03-06-4387 od 25.01.2019.godine dala prijedlog, da se donese odluka o izboru najpovoljnijeg ponuđača i ugovor dodjeli ponuđaču BERG d.o.o. Sarajevo. Prijedlog Komisije je prihvaćen i donijeta je odluka kao u dispozitivu..



GENERALNA DIREKTORICA

Prof.dr. Sebića Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a